

ANGLIA.

66

Regio.
Nomen, a quibus
inducunt.

Situs.

Cœli temperies.

Soli fertilitas.

Animalium va-
rietas.

ALBIONIS Insulæ pars Meridionalior ac maxima *Anglia* Latinis dicitur: ab *Angria* regione *VWestphalia*, vulgo *Engern*, ut nonnulli volunt. Alii ab angulo nomen inditum arbitrantur, quod Orbis sit angulus: alii ab *Angloen* opido Pomeraniæ. Goropius Anglos ab *Angle* i. hamo piscatorio deducit, quod ut inquit ille, omnia sibi adhamarent, & fuerint, ut Angli loquuntur, *Good Anglers*, i. boni hamatores. Quæ sane conjectura risum potius quam fidem meretur. Sunt qui ab *Anglia* Cimbricæ *Cherlonesi* regionis, quæ *Engelond* i. Anglorum Terra, ab *Egberto* Occiduorum Saxonum Rege indigitata fuit, appellatam autumant: vel quasi *Engistland* i. Engisti terra: qui se ducem his Saxonibus præbuit. Sed qui *Engelberti*, *Engelhardi*, & ejusmodi Germanicorum nominum etymologiam videt, facile etiam Anglorum notationem videret. Hi sunt Germaniæ populi qui Britanniam occuparunt, quos unam gentem fuisse, communique nomine nunc Anglos nunc Saxones vocatos docet *Camdenus*. Hæc ab Indigenis non uno nomine appellatur, idque etiam diversimode: in duas enim regiones eam dividunt. Pars ejus quæ Orientem & Mare Germanicum spectat ab Indigenis *Anglis* Saxonum populis, qui eam occuparunt sua lingua *Angliam* vel *England* nuncupant. Occidentior vero pars quæ ab hac, *Sabrina* & *Dea* fluminibus discernitur, & *Britannica* avitæque lingua utitur, *VValles* vel *VValles*, a prædictis *Anglis* nominatur. Termini ejus Septentrionales *Scotiam* versus, sunt *Tueda* & *Sol* veius fluvii: ad Meridiem est *Gallia*, & proprie dictus *Oceanus Britannicus*, ad Occasum *Hibernia* & *Oceanus Hibernicus*, ad Ortum *Germanicus*. Longa est 302 milliaria *Anglica*. Lata 300, a *Belerio* nempe ad *Cantiū* Promontorium. Aër hic quocunque anni tempore temperatus ac clemens: Cœlum crassum, in quo facile nubes imbres, ventique coguntur, atque eo minus frigoris æstusque, propter ipsius Cœli densitatem. Habet solum frugiferumque, & ab omni frugum genere ita beatum, ut *Cereris* sedem fuisse dixerit *Orpheus*. Cui ad stipulatur *Mamertinus* aut *Belga* orator qui *Panegyricum* *Constantino* dixit: ubi inter alia dicit, in hac segetum tantam esse fecunditatē, ut muneribus utriusque sufficiat, & *Cereris* & *Liberti*. Neque solū agros luxurioso ac primo frumēto, ac leguminibus supra modū scatentes habet: sed etiam cujusque generis materiam producit, præter abietem, & ut *Cæsar* ait, fagum; nūc tamen est passim fagus quoque. *Lauri* non eque fecunda est *Thessalia*. *Ros* marinus vero tam copiosus, ut eo etiam ad sepes utantur. Fert item *Aurum*, *Argentum*, *Cuprum*, *Ferrum*, sed ojus exigua copia. *Plumbum nigrum*, & *Plumbum album* id est *stannum* in suo genere optimū in magna abundantia hic effoditur, & ad exterarum gentes effertur. Colles hic plurimi, per quos *Oviū* greges errant, non tantum carniū deliciis, sed etiam vellerum tenuitate nobiles; frequentia *Oviū* juvat Cœli quædam benignitas; Terrequæ bonitas singularis; nam & in collibus vix arbores apparēt: totaque regio a *Lupis* est suo privilegio immunis. Omni etiam Pecundum Animaliumque genere abundat, præterquam *Asinis*, *Mulis*, *Camelis* & *Elephantis*. Moloss